

Zeichen habend/ vnd ohne Seel/ vnd den rechten Menschen allezeit auffsehtig
vnd gehässig.

” Also ist vor Erschöpfung Himmels vnd Erden nichts gewesen/ als
” die Prima Materia mundi, Massa confusa, die wahre Matrix der grossen
” Welt/ vnd war vmbgeben mit dem Reich Gottes. Die Welt/ so auß dieser
Matrice erschaffen/ war darnach Matrix des Menschen/ das ist/ der kleinen
Welt/ vnd war vmbgeben mit dem Ewigen/ das ist/ mit der Pr. M. oder dem
Wasser/ vber die Feste. Die Frau ist hernach die kleinste Welt/ vnd ist Ma-
ter aller folgenden Menschen/ die ist vmbgeben mit der grossen Welt/ vnd in
einiger Haut.

Da nun der Mensch in höchster Gerechtigkeit vnd Unschuld mit Leib
vnd Seel ewig vor Gott lebet/ vnd mit hoher Weißheit vnd Verstand/ vnd
dem allerhöchsten Kleinot der Seelen von Gott begabet / vber alle andere
Creaturen natürlich vnd geistlich geliebet ward / vnd zu einem Oberherrn v-
ber die ganze Natur gesetzt worden/ außserhalb des Raums der Erkenntniß
gutes vnd böses/ bey ewiger Straff denselbigen zu meiden: Da hat der Luci-
fer als ein ewiger Feind Gottes vnd der Seinen/ solche grosse Ehr vnd Glück
dem Menschen mißgünnt / vnd als ein Mille artifex auff allerley Mittel ge-
dacht/ wie er Gott zu wider / den Menschen von der Liebe Gottes abwenden/
vnd in grosse Unnad vnd ewiges Verderbnuß bringen möchte: Aber kein
besser Mittel finden können / dann daß er sie in Ungehorsam/ vnd in ewige
Hoffart / welche ihne auch selbst auß dem Himmel ad Inferos verstoßen
hat/ brächte: Dorffte sich aber in seiner eygenen geistlichen Substanz so bloß
erstlichen nit erzeigen/ auß Furcht/ daß man ihn erkennen/ vnd ihm nit Glau-
ten geben möchte. Suchte derwegen ein natürlich Mittel Instrument/ wel-
ches ganz listig war / dardurch er sein Fürhaben verrichten kondte/ damit der
Mensch vermeynen solte/ das natürliche Mittel gebe ihm dann statt/ vnd im
so viel desto ein andern Glauben gebe/ vñ also leiglich den Menschen betriegen
möchte.

Vnd als er sahe/ daß die Schlang schöner vnd listiger war/ weder alle
andere Thier/ vnd vnter dem verbottenen Baum ihr Wohnung hatte/ ist der
Lucifer auß Verwilligung der Schlangen in sie geschlossen/ vnd auß ihr der
Schlangen zu der Eva/ vnd nicht zum Adam/ weil sie etwas schwächer war/
als Adam/ geredt / vnd durch listige betriegliche Wort sie zum Biß des Apf-
fels gebracht/ vnd ob sie ihm gleich Widerparth hielte: Diweil sie aber solchs
nicht thut/ wie ihr im Grund bewust war/ vnd das Wörlein/ Vielleicht/ sein
dubitatiuè darzu gesäget/ Vielleicht werdet ihr des Todts sterben: So nam
der Teuffel fernere Ursach zu seinem List vnd Berrug/ vnd sagt baldt dar-
auff!